



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 28 Б А С П А С Ө З Р Е Л И З І
2 0 1 2 ж ы л ғ ы 27 ш і л д е**

***«Байқоңыр» және «Сүйінбай»
ескерткіш монеталарын
айналысқа шығару туралы***

Қазақстан Республикасының Ұлттық Банкі 2012 жылғы 27 шілдеден бастап номиналы 500 теңгелік, «proof» сапасымен жасалған «Республика игілігі» монеталар сериясынан «Байқоңыр» ескерткіш биколорлы монетасын және номиналы 500 теңгелік, «proof» сапасымен жасалған «Банкноттардағы портреттер» монеталар сериясынан «Сүйінбай» ескерткіш алтын монетасын айналысқа шығару туралы хабарлайды.

«Байқоңыр» ескерткіш биколорлы монетасы «Республика игілігі» монеталар сериясын жалғастыратын екінші монета болып табылады. Монета әуе-ғарыш өнеркәсібінде кеңінен пайдаланылатын металл – танталды қолдана отырып дайындалған.

«Байқоңыр» ғарыш айлағы – Қазақстан Республикасының аумағында орналасқан әлемдегі тұңғыш және аса ірі ғарыш айлағы. Көлемі 6117 шаршы км. «Байқоңыр» ғарыш айлағынан Жердің тұңғыш жасанды серігі ұшырылды және адамның ғарышқа тұңғыш ұшуы жүзеге асырылды, «Восток», «Восход», «Союз» сериясынан ұшқыштар басқаратын ғарыш кемелері, «Салют», «Мир» сериялы орбиталық станциялар, көп рет қолданылатын «Энергия – Буран» жүйесі, планетааралық ғарыш аппараттары, Жердің жасанды серіктері жіберілді. «Байқоңыр» ғарыш айлағынан әлемдегі ғарышқа ұшудың жартысынан көбі жүргізілді.

Биколорлы (құрамдас) монета ортасында сақина мен дискі орналасқан шеңбер түрінде. Монетаның ішкі дискі танталдан, сыртқы сақина күмістен жасалған.

Монетаның бет жағында (аверсінде) стильдендірілген жұлдызды аспан және адам мен Ғалам бірлігінің нышаны ретінде екі адамның сұлбасы бейнеленген. Монетаның сол жақ бөлігінде монетаның номиналын білдіретін «500 ТЕҢГЕ» деген жазу, екі жолға орналастырылған және монета дайындалған металды, оның сынамын және массасын білдіретін «Ag 925 14.6 gr. Та 26.8 gr.» деген жазу, Қазақстан теңге сарайының тауар белгісі және монетаның соғылған жылын білдіретін «2012» деген сан бейнеленген. Айналдыра мемлекеттік тілде «ҚАЗАҚСТАН РЕСПУБЛИКАСЫ», ағылшын тілінде «REPUBLIC OF KAZAKHSTAN» деген жазу және шығыңқы жиек орналасқан. Жазулар нүктелермен бөлінген.

Монетаның сырт жағында (реверсінде) көшпенділер әлемінде ғарышқа арналған терезе, бүкіл Адамзат үшін Байқоңыр ғарыш айлағы ашқан терезе ретінде түсіндірілетін «Шанырақ» кескінін құрайтын жерсеріктер орбитасының стильдендірілген бейнелері көрсетілген. Айналдыра мемлекеттік тілде «БАЙҚОҢЫР», орыс тілінде «БАЙКОНУР», ағылшын тілінде «BAIKONUR» деген жазулар және шығыңқы жиек орналасқан. Жазулар жұлдызшалармен бөлінген.

Монетаның бет және сырт жағындағы бейнелер мен жазулар бедерленген.

Қыры (гурты) бедерлі.

Ескерткіш монета биколорлы орындауда дайындалды (сақинасы 925/1000 сынамды күмістен, массасы 14,6 грамм, дискісі – массасы 26,8 грамм танталдан), диаметрі – 38,61 мм, «proof» сапасымен дайындалған, таралымы – 5 мың дана.



«Proof» сапасымен жасалған «Сүйінбай» ескерткіш алтын монеталары «Банкноттардағы портреттер» монеталар сериясын жалғастырады.

Халық ақыны Сүйінбайдың портреті 1993 жылғы үлгідегі құны 3 теңгелік банкноттың бет жағында бейнеленген. Қазіргі уақытта банкнот айналыстан алынды.


Монетаның бет жағында (аверсінде) орталық бөлігінде Қазақстан Республикасының елтаңбасы бейнеленген. Төменгі жағында монетаның номиналын білдіретін «500 ТЕНГЕ» деген жазу бар. Сол және оң жақ бөлігінде ұлттық ою элементі жалтыратып салынған, айналдыра мемлекеттік тілде «ҚАЗАҚСТАН РЕСПУБЛИКАСЫ» және орыс тілінде «РЕСПУБЛИКА КАЗАХСТАН» деген жазу бар. Жоғарғы бөлігінде Қазақстан Республикасы Ұлттық Банкінің логотипі орналасқан. Айналдыра шығыңқы жиек жүргізілген.

Монетаның сырт жағында (реверсінде) орталық бөлігінде халық ақыны Сүйінбайдың портреті орналасқан, құны 3 теңгелік банкноттың бет жағының фрагменті бейнеленген. Айналдыра мемлекеттік тілде «Сүйінбай» деген жазу, соғылған жылын білдіретін «2012» деген сан және банкноттан графикалық элементтер орналасқан. Жоғарғы бөлігінде монета дайындалған металды, оның сынамы мен массасын білдіретін «Au 999 7,78 gr.» деген жазу бар. Айналдыра шығыңқы жиек жүргізілген.

Монетаның бет және сырт жағындағы бейнелер мен жазулар бедерленген.

Қыры (гурты) бедерлі.

Монета 999 сынамды алтыннан дайындалған, массасы – 7,78 грамм, диаметрі 21,87 мм, «proof» сапасымен дайындалған, таралымы – 4 мың дана.



Номиналы 500 теңгелік және 50 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ шоттарға, салымдарға, аккредитивтерге есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Қазақстан Республикасы Ұлттық Банкінің осы ресми хабарға түсіндірмесі

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығы бар республикалық мемлекеттік кәсіпорны дайындаған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Монеталарды Қазақстан Республикасы Ұлттық Банкінің барлық филиалдарында, Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны (727) 273-83-98.